

## **Rigolettimiut Inuit Nunalet kavamanga Kimmet/Posellu Maligatsangit**

1. Tukittait: Tâkkunani maligatsani kisiani asiagut pigumausiuppat uKautauulluni:
  - (a) “Maligatsak” tukiKavuk Nunaliujuni Maligatsak.
  - (b) “Aulatsijik Omajunik” tukiKavuk kinatuinnak pitsatuniKattitaujuk kaunsalinut malittisigiamik maligatsanik.
  - (c) “Manituinnâtuk” tukiKavuk inumminengituk ubvalu kamagijaungituk kinatuinnamut pitutsimagani.
  - (d) kaunsal” tukiKavuk Rigolettimiut Inuit Nunalet kavamanga
  - (e) Kimutset” TukiKavuk senait (10) kimutsiutauKattatuit
  - (f) “Nunalet” tukiKavuk Rigolettimiut Inuit Nunalet kavamanga ullunga 1977
  - (g) “Nulalet Aulatsijinga” tukiKavuk kinatuinnak tilijaumajuk kaunsalinnut
  - (h) “Tigujaujuk” tukiKavuk tigujaujuk amma tigumiattaujuk.
  - (i) “Tigusijuk” tukiKavuk kinatuinnak tilijaumajuk kaunsalinut tiguisongugiamut amma tiguisongugiamut Kimminik.
  - (j) “Pitsatunilet” tukiKavuk ilaujuk Nunalinni Malittisigiamut SuliaKapvimi ubvalu R.C.M.P
  - (k) “Omajunik Anniasiugiji” tukiKavuk maligatsatigut angutijuk omajunik anniasiugigiamut iluagut tajaup Newfoundland Veterinary Medical act.
2. Pigianimmit kingungagullu kajusituangata maligatsait Kângiutitauningata, kinalonnet tigumiagiaKangilak Kimmimik/posimillonet killiliuttaumajuit Nunaliujuit, kisiani allaKattitaujunik ubvalu laisins-silidik.
3. kaunsalik tilisigunnaKuk laisinsiligijitsanik/ubvalu Nunaliujuit Allatinga tigumiagunnaKuk ilonnainik allaKotinginnik Kimmet/posellu laisittâsimallugit.
4. (a) Laisanset nalunaikkutangit pitâgejaugunnaKut tunijaulutillu kaunsalikkunit amma atunniKagunnalutik inusinga nâllugu Kimmiup ubvalu posiup pitâgijauullutik laisinsiligijini/ubvalu Nunaliujuit Allatinganit;  
(c) Kimmik posillonet tigujaujuk ammalu laisinsiKagani, Kimmiup/posiulonnet inunga, akilegiaKavuk tigujaujiaKasimaguni, laisinsittagiaKavuk Kimmiminik/posimminillu utittitaukKâtinnagu;
5. Namminik inonnainik laisinsiKajunik Kimminik/posinillu tagvainak laisinsittatauguni, ilisigiaKavuk sungujumut amma sujugunangittumut Kungasimmiutamut, Kungasimmiutak Kungasinganettillugu Kimmiup/posiullonet tamânengingiaKatillugu silameliguni ilunganilonnet namminiliup.
6. kinatuinnak namminilik Kimmimik/posimillonet akungani Nunaliujuit tigumiatsiagiaKavuk Kimmiminik/posiminillonet pitusimatillugu ubvalu avalunittisilluni.



7. Kimmik/posilonnet kinatuinnamik Kesituappat asinganik namminiliup ubvalu namminiliup ilanganik(ginnik) illuliujuut amma namminiungitumik(nik) Kimmik/posilonnet isumagijaugunnaKuk papvinattumik amma namminiujuk siKumitsisimajumik pasijaugunnaKuk tamakkuninga maligatsanik.
8. (a) Nallituinnangit Kimmet/posellu tigujaugunnaKut ubvalu tigumiattaullutik mânituinnapata amma Nunaliujuit suliaKattangit aigunnaKut illumut Kaujitsigiattulutik tigusinianniminik Kimmimik/posimillonet malittaminik ubvalu Kimâjumik;  
(b) Nunaliujuit suliaKattangit tigusigunnaKut tigumianialillutik kimmimik/posimillonet mânituinnatumik atulugatik Kaujimangitsiutimik ubvalu Kokiutinik, kisani ajuppat asiagut taimaittunik atugunnatut, ubvalu kappianatsâpata kinatuinnamut ubvalu namminigijaujunut;
9. (a) Kimmik/ posilonnet sukkuiniappat namminiliup nunanganik, ivitsukanik, pigutsivemmik, ubvalu piguttukautimik ubvalu pigutsianik, Kimmik/ posilonnet isumagijaugunnaKuk papvinattoninga amma nammililiujuk isumagijaugunnaKuk siKumitsininga maligatsanik;  
(b) Kimmik/posilonnet takujaujuk sukkuininga ubvalu asiguininga namminiujunik tigujaugunnaKuk nammasiutiKangitumut ubvalu nammasingitunut tigumiattuluni tigugatsautillugu nunaliujuni suliaKattinut;
10. Namminilik Kimmimik/posimillonet tigusigunnaKuk uKautaujumik nalunaitsiviutsiatillugu namminilik Kimmimut/posimillonet kaunsalik pigumagunnaKuk, amma ilonnaita akiligialet akilittaumatillugit ilingajuit tigumiattisimaninganut Kimmik/posilonnet.
11. ukua Tigusinimmut tigumiannimullu akilittaugialet akilittaugiaKavut namminilinnut Kimminik/posinik:
  - (a) Tigusinimmut amma tigumiannimut, laisinsik sivullipâk, \$30.00-tâla;
  - (b) Tigusinimmut amma tigumiannimut, laisinsettaunik sivullipâk, \$50.00-tâla;
  - (c) Tigusinimmut amma tigumiannimut, kingulliani, takKet suvillifait nakKâtinnagit, \$100.00-tâla;
  - (d) Kimmik/ posilonnet tigujauppat pingasuittuluni takKet suvillifait nakKâtinnagi, Kimmik/posilonnet tagvainak tuKutaugunnatuk;
  - (e) Kimmet/posillonet tigujaujuit kapijaumajuit senani ulluni, akilittaugiaKavut namminiujumut;
  - (f) Ilonnainut fonniniutauKattatunut Kimminut/posinullu uKumaillutaunut suliaKapvik matusimalittillugu, tamatumunga akilegiaKavuk namminiKajuk;
  - (g) Nunaliujuit akilitsatâtisigunnaKuk namminiliujumik akilittaugiagialinnik taimâk pikKujautuaguni;
  - (h) Omajunik Aulatsiji ubvalu Nunaliujuni Polesik akilitsatâtisigunnaKuk namminiliujumik manituinnâpat Kiminga;



12. Nunalijuit tigumaigunnaKut Kimminik/posinik tigumiapvimi tigumiallugit 24-rani sitontini, amma tamanna sitontinga nâppat, Kimmik/posilonnet tuKutaugunnaKuk.
13. Nunaliujuit suliaKatingit allasimajunik tigumiagunnaKut tigumiattaujuKappat allavini atugatsautillugit amma namminiliujuk Kimmik/posimellonet Kaujिताugunnatillugu, ajunnangippat.
14. kinatuinnak tigumiajuk, kamajuk ubvalu namminiujuk Kimmimik/posimillonet, ubvalu iniKajuk illumik ubvalu ininginnik Kimmet/poseillonet ubvalu pivitsaKattitaujuit iniKagiamut ubvalu tamânellutik isumagijaugunnaKut namminiKajunik Kimmimik/posimillonet. (a) Nunaliujuk tuKutsigumajuk Kimmimik/posimillonet atâgut Section 14 pigiakavuk, ajunnangippat, namminiKajumik Kaujiticsiluni.
15. Nani, isumangitigut Nunaliujuit, Kimmik/posilonnet tigujauppat atâgut maligatsait ânnitauppalonet, ubvalu tuKutaugiaKappat pitjutauluni ubvalu pilukaigunnagajaninganik, Nunaliujuit tuKutsititsigunnaKut Kimmimik/posimillonet tagvainak tigujautuappat angutiugaluaguni annaugaluagunilonnet Kaujituaguni tigujaugiaKangininganik kinamullonet Kimmik/posilonnet.
16. kinatuinnak ulapitsigasuttuk ubvalu uttugasuttuk ulapitsigasualluni Nunaliujuni Malittisijimik Maligatsanik ubvalu Omajuligijimik, ubvalu kiggatuttinginnik, sulagiagialimminik suliaKatillugit, ubvalu sukkuilutik kaunsalet namminiuttanginnik, kinatuinnak tamatsuminga pijuk isumagijaugunnaKuk pilukanikkut siKumitsininga Maligatsaujumik. (a) kinatuinnak pijuk, pitsatuniKattitauguni Nunaliujuni Malittisijimik Maligatsanik/Omajuligijimullonet ubvalu kiggatuttinginnut aulatitsiniaguni omajumik tigujausimajumik isumagijaugunnaKuk siKumitsininga Maligatsaujumnik; (b) kinatuinnak Kinugapviujuk Nunaliujuni Malittisijimik Maligatsanik/Omajuligijimullonet ubvalu kiggatuttinginnut pigiaKavuk,, Kinupviuguni, âtsiluni angutiugaluaguni annaugalugunilonnet atimik tugapviminillu;
17. Nâlletuinanit idluatsaivet akilekKujigunnaKut maligatsatigut nammasingiutaujunut Kimmik posilonnet kappianattoninganut ammalu tigumiattaugunnangininganut, ubvalu kesisimappat ubvalu kesigasutsimappat kinatuinnamik ubvalu ânneluni, isumajâgutiuguni, ubvalu ullasimappat tuttuvanik ubvalu A-A-AAk-nik, amma idluatsaivik kaujippat Kimmik posilonnet kappianattopat ubvalu pisimappalu tâkkuninga uKautaujunik, idluatsaivik pikKujiusiKagunnaKuk namminiuttumik Kimmimik ubvalu posimik tuKutsiKujilluni.
18. Pasijautitsinik atâgut maligatsait pigunnaKait suliaKattet kaunsalikkuni ubvalu Poleset ubvalu kinatuinnaup tilijaumajop kaunsalikkunit.



19. kinatuinnak tilijaujuk tigusingiamut ubvalu tuKutsigiamut Kimmimik posimillonet atâgut maligatsait, taimâk pigunnatitauvuk pilukagasuaniKongituk.
20. Kimmivinik posivinillonet tuKutaumajuk pijaugiaKavuk ikititaulluni ubvalu saujauulluni; ilijaugani imânut ubvalu tasikulommut, tasimut, kommut, ubvalu kogalakulonnut ubvalu imanut kojunut tagiummut.
21. Poleset ubvalu Tigusijet allanginnagiavut ullu-tamât ilonnainik piusijjausimajunik amma Kaujittitsiutinik tunijaugiaKaKattatunik wogi-tamât aulatsijiminut.
22. PasijaujuKagunnangilak kinamellonet sulitsiatumik uKalajumik Kanuk
23. Ilonnaita sivungani Nunaliujuni (Kimmek aulataugutinginnut) Maligatsaumajuit ubvalu asiangugiattaumajuit imailingalikKut atuttaugunnaidlutik.
24. Kimutsiutet notaugunnaKut silatânut Nunaliujuit killiliupviusimaninganut sivungagut KimutsiutaukKagatik sukalinikisuatiullutik/appaligalattitaullutillonet.
25. kinatuinnak siKumitsijuk ilumiutanginnik tâkkua maligatsait siKumitsisimanikkut pasigatsauvuk amma pasijaugutiminut akilettitaugunnaKuk 1-tausattalamik kaggutininnagu (\$1.000.00) ubvalu akiligialimminik akilengikuni pasijaugutiminut pananinaittaugajattuk nainnitini ullunik (90), ubvalu tamâgennik aitutaulluni akiligialimminik pannainaittaugiamullu malillugu Section 420 Iluanettuk Municipalities Act.



Tâkkua maligatsait atuliaKititaulaukKut Kângiutittitaulutillu kaunsalinut katimatillugit **March 9, 2011** atâni aulatjaigutinga;

**AULATJAIGUTIK #-0022**


**Aulatjaijuk:** Sandi Michelin

**Tullejuk:** Marie Rich

AngiutaukKullugu Rigolet Inuit Nunaliujuni kavamangata Kimminut/Posinut Maligatsangit tunijaumajuit kaunsalikkunut tautsigiasimaniKatillugit: #6 Ilonnaita namminilet Kimmimik/Posimik iluani NunaKajuit tigumiagiaKavut Kimmimik/Posimik pitutsimainnatillugit ubvalu avalonenginnatillugit &# 24 Kimutset ÂtaugunnaKut imammik Kalupvimut Wolfrey Lakeview Drive amma ujagaKajumut Rich's Seashore Drive anottutaukKagatik Kimutsiutaugasuallutik ubvalu sukkanikisautiullutik/appangittitaullutillonet.

  
 \_\_\_\_\_  
 AngajukKâk  
  
 \_\_\_\_\_  
 Town Clerk

@

  
 \_\_\_\_\_  
 Date  
 March 24, 2011  
 \_\_\_\_\_  
 Date